



Na osnovu člana 2.9 stav (1) tačka 2. i člana 5.22 Izbornog zakona Bosne i Hercegovine ("Službeni glasnik BiH", br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14 i 31/16), a u vezi člana 59. Pravilnika o načinu provođenja izbora u Bosni i Hercegovini ("Službeni glasnik BiH", br. 37/14, 38/14 i 32/16) i člana 3. i 7. Pravilnika o organizaciji rada i utvrđivanju rezultata glasanja u Glavnom centru za brojanje za Lokalne izbore 2016. godine ("Službeni glasnik BiH", broj 32/16), Centralna izborna komisija Bosne i Hercegovine je na 48. sjednici održanoj 25.08.2016. godine, donijela

ODLUKU

o imenovanju glavnog kontrolora, zamjenika glavnog kontrolora, kontrolora za obradu, unos i potvrdu rezultata glasanja i kontrolora za transport, rukovanje i skladištenje glasačkih listića i drugog izbornog materijala na Lokalnim izborima 2016. godine

Član 1.

(1) Vedran Kapor, imenuje se za glavnog kontrolora za obradu, unos i potvrdu rezultata glasanja, a Semko Merdan i Nebojša Klačar za zamjenike glavnog kontrolora za obradu, unos i potvrdu rezultata glasanja na Lokalnim izborima 2016. godine počev od 01.10.2016. godine pa do potvrde i ovjere izbornih rezultata.

(2) Za kontrolore za obradu, unos i potvrdu rezultata glasanja na Lokalnim izborima 2016. godine imenuju se zaposlenici Sekretarijata Centralne izborne komisije BiH, počev od 01.10.2016. godine pa do potvrde i ovjere izbornih rezultata, kako slijedi:

- a) Mustafa Laković i
- b) Veljko Petrović.

(3) Za kontrolora za transport, rukovanje i skladištenje glasačkih listića na Lokalnim izborima 2016. godine imenuje se Fahrudin Čusto, zaposlenik u Sekretarijatu Centralne izborne komisije BiH, počev od 01.09.2016. godine pa do potvrde i ovjere izbornih rezultata.

(4) Za potrebe obrade i kontrole rezultata glasanja, Centralna izborna komisija BiH će angažovati dodatno osoblje koje ima iskustvo u jedinstvenom izbornom sistemu (JIIS BiH).

Član 2.

(1) Imenovani iz člana 1. ove odluke za svoj rad su direktno odgovorni Centralnoj izornoj komisiji Bosne i Hercegovine, a uz koordinaciju vršenja predmetnih poslova sa direktorom i zamjenicima direktora Glavnog centra za brojanje (u daljem tekstu: Centar).

(2) Podnošenje izvještaja Centralnoj izornoj komisiji BiH imenovani će obaviti posredstvom generalnog sekretara Sekretarijata Centralne izborne komisije BiH.


Član 3.

O visini naknade za rad imenovanih iz člana 1. ove odluke donijet će se posebna odluka kao i o načinu isplate ove naknade u skladu sa Odlukom o uvođenju prekovremenog rada broj: 07-2-16-3-529-1/16 od 10.05.2016. godine, Odlukom o načinu i postupku ostvarivanja prava na naknadu za prekovremeni rad, rad u neradne dane, noćni rad i rad u dane državnih praznika u institucijama Bosne i Hercegovine ("Službeni glasnik BiH", broj 4/09) i Pravilnikom o kriterijima i postupku za isplatu novčane nagrade zaposlenim u Centralnoj izbornoj komisiji BiH broj: 07-2-02-2-1138-1/13 od 03.10.2013. godine.

Član 4.

Ova Odluka stupa na snagu danom donošenja i objavit će se na web stranici Centralne izborne komisije BiH www.izbori.ba.

Broj: 05-1-07-11-917-1/16
Sarajevo, 25.08.2016. godine



Predsjednik

Dr. Ahmet Šantić
Dr. Ahmet Šantić